

**ՈՐՈՇՈՒՄ թիվ 20-33**

**ԿԱԼԻՖՈՐՆԻԱ ՆԱՀԱՆԳԻ ԳԼԵՆԴԵԼ ՔԱՂԱՔԻ ՔԱՂԱՔԱՅԻՆ ԽՈՐՀՐԴԻ  
ՈՐՈՇՈՒՄԸ, ՈՐԸ ՀԱՍՏԱՏՈՒՄ Է ԳԼԵՆԴԵԼԻ ԱՐՏԱԿԱՐԳ  
ԻՐԱՎԻՃԱԿՆԵՐԻ ԼԻԱԶՈՐ ՄԱՐՄՆԻ ՀԱՄԱՐԱԿԱԿԱՆ  
ԿԱՐԳԱԴՐՈՒԹՅՈՒՆՆԵՐԸ «COVID-19»-Ի ՎԵՐԱԲԵՐՅԱԼ**

**ՀԱՇՎԻ ԱՌՆԵԼՈՎ, ՈՐ** Գլենդելի Քաղաքային օրենսգրքի 2.84 գլուխը նախատեսում է, որ տեղական արտակարգ դրությունները կարող են հայտարարվել քաղաքային խորհրդի կողմից, և

**ՀԱՇՎԻ ԱՌՆԵԼՈՎ, ՈՐ** 2020 թ. մարտի 16-ին Գլենդել քաղաքի քաղաքային խորհուրդը, համաձայն Գլենդելի Քաղաքային օրենսգրքի 2.84 գլխի, ընդունեց Որոշում թիվ 20-28-ը՝ հայտարարելով տեղական արտակարգ դրություն, որի անհրաժեշտությունն առաջացել էր «Կորոնավիրուս 2019» (COVID-19) հիվանդության նկատմամբ աճող մտահոգությունից՝ նոր տիպի կորոնավիրուսով պայմանավորված ծանր սուր շնչառական հիվանդության պատճառով: Վիրուսի ախտանիշների թվում են՝ ջերմությունը, հազը և դժվար շնչառությունը, իսկ վարակված անձանց շրջանում տարբեր արդյունքներ են գրանցվել՝ թեթև հիվանդությունից մինչև ծանր հիվանդություն և մահ:

**ՀԱՇՎԻ ԱՌՆԵԼՈՎ, ՈՐ** հաստատված դեպքերի քանակը կարճ ժամանակահատվածում շարունակել է կտրուկ աճել, և Հիվանդությունների Վերահսկման և Կանխարգելման Կենտրոնը (CDC) տեղեկացնում է, որ COVID-19-ը հեշտությամբ տարածվում է մարդուց մարդ, և մշակել է ուղեցույցներ՝ առաջարկելով, որ հասարակությունն ընդունի այնպիսի քաղաքականություն և սահմանված կարգեր, որ հնարավոր լինի պահպանել սոցիալական հեռավորություն: Բացի այդ, 2020 թ. մարտի 16-ին քաղաքային խորհուրդը կարգադրեց նաև փակել և մուտքի սահմանափակումներ կիրառել որոշ հասարակական հաստատությունների վրա;

**ՀԱՇՎԻ ԱՌՆԵԼՈՎ, ՈՐ** 2020 թ.-ի փետրվարի 26-ին Հիվանդությունների Վերահսկման և Կանխարգելման Կենտրոնը (CDC) հաստատեց ԱՄՆ-ում COVID-19-ի՝ մարդուց մարդ փոխանցման տեղական առաջին դեպքը, և այս դեպքը բարձրացրեց COVID-19-ի՝ համայնքային փոխանցման հնարավորությունը՝ լայն հասարակության շրջանում: Լոս Անջելեսի վարչաշրջանի առողջապահության պաշտոնակատարը որոշեց, որ Լոս Անջելեսի վարչաշրջանում COVID-19-ի ներթափանցման պայմաններում առկա է հանրության առողջությանը սպառնացող մոտալուտ և վերահաս վտանգ, և ըստ այդմ՝ հայտարարեց տեղական առողջապահական արտակարգ դրություն; և

**ՀԱՇՎԻ ԱՌՆԵԼՈՎ, ՈՐ** 2020 թվականի մարտի 11-ին ԱՀԿ-ն COVID-19-ը բնութագրել է որպես համաճարակ, իսկ 2020 թվականի մարտի 12-ի դրությամբ ամբողջ աշխարհում COVID-19-ի հաստատված դեպքերը գերազանցում են 169,000-ը, և վիրուսից մահացել է ավելի քան 6500 մարդ: Լոս Անջելեսի շրջանը հաղորդել է մոտավորապես 69 հաստատված և մահվան ելքով մեկ դեպքի մասին: Հաստատված

դեպքերի քանակը կարճ ժամանակահատվածում շարունակել է կտրուկ աճել: Հիվանդությունների Վերահսկման և Կանխարգելման Կենտրոնը (CDC) տեղեկացնում է, որ COVID-19-ը հեշտությամբ տարածվում է մարդուց մարդ, և մշակել է ուղեցույցներ՝ առաջարկելով, որ հասարակությունն ընդունի այնպիսի քաղաքականություն և սահմանված կարգեր, որ հնարավոր լինի պահպանել սոցիալական հեռավորություն; և

**ՀԱՇՎԻ ԱՌՆԵԼՈՎ, ՈՐ** Գլենդելի քաղաքապետարանը վերստին կրկնապատկել է իր ջանքերը՝ ուղղված ձեռքերի հիգիենայի, շնչառական կանոնների և սոցիալական հեռավորության պահպանմանը: Չափազանց կարևոր է, որ մենք որպես քաղաք, անենք հնարավոր ամեն ինչ՝ դանդաղեցնելու հիվանդության տարածման տեմպերը համայնքներում և խուսափելու մեր բժշկական համակարգի անհարկի ծանրաբեռնվածությունից: Մեր ջանքերին նպաստելու նպատակով՝ Գլենդելի Քաղաքային օրենսգրքի 2.84 գլխի համաձայն՝ Արտակարգ իրավիճակների ծառայության տնօրենը լիազորված է կազմել և արձակել կանոնակարգեր և կարգադրություններ այն հարցերի շուրջ, որոնք կապված են նման արտակարգ իրավիճակների հետևանքով կյանքի և սեփականության պաշտպանությանը՝ այն պայմանով, որ այս կանոնակարգերը և կարգադրությունները պետք է հաստատվեն Քաղաքային Խորհրդի կողմից, որքան հնարավոր է շուտ; և

**ՀԱՇՎԻ ԱՌՆԵԼՈՎ, ՈՐ** Գլենդելի քաղաքային օրենսգրքի 2.84.090 բաժնով նախատեսված կարգով և թիվ 20-28 որոշման համաձայն՝ Արտակարգ իրավիճակների ծառայության տնօրենը տվել է արտակարգ դրության այդպիսի հասարակական կարգադրություններ; և

**ՀԱՇՎԻ ԱՌՆԵԼՈՎ, ՈՐ** Խորհուրդը ընդունել է նաև թիվ 20-29 որոշումը, որով հայտարարում է հանրային կարգադրություններ՝ բարերի, խնջույքների սրահների, գիշերային ակումբների, ռեստորանների, կինոթատրոնների, կենդանի կատարման վայրերի, բոուլինգի սրահների, խաղային ավտոմատների սրահների, զվարճանքի նման այլ հաստատությունների, մարզասրահների և ֆիթնես կենտրոնների փակման վերաբերյալ:

**ՀԵՏԵՎԱԲԱՐ՝ ԳԼԵՆԴԵԼԻ ՔԱՂԱՔԱՑԻՆ ԽՈՐՀՐԴԻ ԿՈՂՄԻՑ ՈՐՈՇՎՈՒՄ Է, որ՝**

ԲԱԺԻՆ 1. Արտակարգ իրավիճակների ծառայության տնօրենի հետևյալ հասարակական կարգադրությունները վավերացվում են (ըստ փոփոխվածի) և երկարաձգվում՝ մինչև 2020 թվականի ապրիլի 30-ը.

A. Գլենդելի հասարակական կարգադրություն թիվ 2020-01: (Մեծահասակների ցերեկային խնամքի հաստատությունների վերաբերյալ): Գլենդել քաղաքում գտնվող մեծահասակների ցերեկային խնամքի բոլոր հաստատությունները պետք է փակվեն: Այս փակման կարգի նպատակն է կանխել մեծահասակների մեծ խմբերի՝ մասնավորապես՝ տարեց քաղաքացիների հավաքվելը կամ համախմբվելը մեկ վայրում՝ փորձելով կանխարգելել նոր տիպի կորոնավիրուսի՝ COVID-19-ի տարածումը:

B. Գլենդելի հասարակական կարգադրություն թիվ 2020-02 (Թվայնացված ստորագրությունների մասին): Սոցիալական հեռավորության պահպանման լրացուցիչ հնարավորության և միևնույն ժամանակ Գլենդելի քաղաքապետարանին և հանրությանը իրենց բիզնեսը ապահով կերպով վարելու հնարավորություն ընձեռելու համար՝ հրամանագիր թիվ 5948-ը, որն ընդունվել է Գլենդելի քաղաքային խորհրդի կողմից 2020 թ. մարտի 10-ին, և ուժի մեջ է մտնում 2020թ. ապրիլի 9-ին, որով Գլենդելի 1995 թ. Քաղաքային օրենսգրքի 1-ին խորագրին ավելացվում է 1.13-րդ կետը, որը թույլ է տալիս Գլենդել քաղաքին փաստաթղթերի վրա օգտագործել թվայնացված և էլեկտրոնային ստորագրություններ՝ գործող պետական օրենքներին և կանոնակարգերին համապատասխան, պետք է իրականացվի անհապաղ՝ թիվ 5948 հրամանագրով թույլատրված նույն կարգով՝ մինչև հրամանագրի ուժի մեջ մտնելու ամսաթիվը:

C. Գլենդելի հասարակական կարգադրություն թիվ 2020-03. (բնակելի և կոմերցիոն վարձակալությունների մասին): Եթե Գլենդել քաղաքում այս տեղական արտակարգ դրության ընթացքում վարձակալը ի վիճակի է ներկայացնել փաստաթղթեր՝ ցուցադրելու վարձավճարը վճարելու իր անկարողությունը՝ COVID-19 համաճարակի հետ կապված հանգամանքների պատճառով, ապա ոչ մի տանտեր չպետք է անօրինական վարձակալի հայց ներկայացնի բնակելի կամ առևտրային նշանակության տարածքի վարձակալի դեմ, ներառյալ՝ այն վարձակալների, որոնց վարձավճարը սուբսիդավորվում է որևէ պետական գործակալության կողմից, որը ներառում է, բայց չի սահմանափակվում դաշնային կառավարության կողմից Բնակարանների ընտրության վաուչերի ծրագրի (Բաժին 8) սուբսիդավորումով: Այսպիսի հանգամանքները ներառում են եկամուտի կորուստը՝ COVID-19- ի հետ կապված աշխատատեղերի փակման կամ ժամերի կամ գործունեության կրճատման հետևանքով, երեխաների խնամքի ծախսերը՝ դպրոցների փակվելու պատճառով, COVID-19-ով հիվանդ լինելու հետ կապված առողջապահական ծախսերը կամ վարձակալի տան անդամներից մեկի COVID-19- ով հիվանդության խնամքի հետ կապված առողջապահական ծախսերը, կամ այնպիսի ողջամիտ ծախսերը, որոնք առաջացել են կառավարության կողմից հրահանգված արտակարգ դրության միջոցառումների արդյունքում: Վերը նշված մեկ կամ մի քանի պատճառներով վարձավճարը վճարել չկարողանալու մասին պետք է տանտիրոջը տրամադրվի գրավոր ծանուցում՝ վարձավճարի վճարման օրվանից 14 օր առաջ, բացառությամբ ապրիլ ամսվա վարձավճարի համար, որի դեպքում այդ ծանուցումը պետք է արվի, որքան հնարավոր է շուտ: Այս ենթաբաժնում ոչինչ չպետք է մեկնաբանվի այնպես, որ վարձակալը, այնուամենայնիվ, չի պարտավորվելու վճարել օրինական գանձվող վարձավճարները: Տեղական արտակարգ դրության ժամանակի լրանալուց հետո վարձակալներին կտրվի վեց ամիս՝ հետ վճարելու սահմանված ժամկետանց վարձավճարները: Վարձակալները կարող են օգտագործել այս ենթաբաժնում տրամադրված պաշտպանող դրույթները՝ որպես հաստատող պաշտպանություն անօրինական վարձակալի հայց ներկայացնելու գործողությունում: Բացի այդ, այս աննախադեպ արտակարգ իրավիճակների ժամանակ Գլենդելի բնակիչներին օգնություն և պաշտպանություն ապահովելու նպատակով՝ սույնով սահմանվում է վարձավճարների բարձրացման սառեցում, որն ուժի մեջ է մտնում անմիջապես, որի միջոցով բնակելի տարածքի վարձակալների համար բոլոր վարձավճարները կմնան

նույնը, ինչ սույն որոշման ամսաթվի դրությամբ և տեղական արտակարգ դրության ընթացքում:

D. Գլենդելի հասարակական կարգադրություն թիվ 2020-04 (Զբոսայգիների և քայլուղիների փակումը): Բոլորի առողջությունն ու անվտանգությունը պաշտպանելու նպատակով՝ ի պատասխան COVID-19-ի բռնկման՝ փակվում են քաղաքի բոլոր քայլուղիները և բոլոր սպորտային դաշտերը/ խաղահրապարակները, քաղաքի սեփականություն հանդիսացող բոլոր դաշտերն ու սարքավորումները, այգիները և հանգստի գոտիները:

ԲԱԺԻՆ 2. Գլենդելի քաղաքային խորհրդի N 20-29 որոշումը՝ COVID-19-ի վերաբերյալ Գլենդելի քաղաքային խորհրդի լիազորության ներքո տրված հասարակական կարգադրության մասին, որն ընդունվել է 2020 թվականի մարտի 16-ին, և գործում է մինչև 2020 թվականի մարտի 31-ը, պետք է երկարաձգի իր գործողության ժամկետը և ուժի մեջ մնա մինչև 2020 թվականի ապրիլի 30-ը: Հետագայում դրա գործողության ժամկետը կարող է երկարացվել՝ քաղաքային խորհրդի կամ արտակարգ իրավիճակների ծառայության տնօրենի կողմից անհրաժեշտ համարելու դեպքում:

ԲԱԺԻՆ 3. Վերոնշյալ հասարակական կարգադրությունների ցանկացած խախտման դեպքում կարելի է դիմել քաղաքային դատախազի գրասենյակ՝ հետաքննության համար՝ Գլենդելի Քաղաքային օրենսգրքի 1.20 գլխով սահմանված կարգով, որը նախատեսում է տուգանքներ՝ ոչ ավել, քան \$1,000-ի չափով, կամ ազատազրկում՝ ոչ ավել, քան վեց ամիս ժամանակով: Յուրաքանչյուր անհատ ծառայող պետք է օգտագործի իր հայեցողությունն՝ այս կարգադրության կատարման շրջանակներում, և մշտապես մտապահի կարգադրության նպատակը: Խախտումները կարող են իրավական լուծում ստանալ նաև Գլենդելի քաղաքային օրենսգրքի 1.24-րդ գլխի դրույթներով, որոնք նախատեսում են տուգանքներ՝ այնտեղ ամրագրված այլ իրավապահական մեխանիզմների հետ մեկտեղ՝ առաջին դատակոչի համար՝ \$400 տուգանք, երկրորդ դատակոչի համար՝ \$1,000 և երրորդի համար՝ \$2,000:

ԲԱԺԻՆ 4. Սույն որոշումը և համապատասխան կարգադրությունները չեն փոխարինում Լոս Անջելեսի վարչաշրջանի կամ Կալիֆորնիայի նահանգի կողմից սահմանված ավելի խիստ սահմանափակումներին:

ԲԱԺԻՆ 5. Սույն կարգադրությունը կարող է երկարաձգվել, նախքան 2020 թ. ապրիլի 30-ը:

Ընդունվել է Գլենդել Քաղաքային Խորհրդի կողմից՝ 2020 թ. մարտի 24-ին:

*Ara J. Najarian*  
Քաղաքապետ

ՀԱՍՏԱՏՈՒՄ՝  
*Aram Adjemian*

Քաղաքային խորհրդի քարտուղար

ՈՐՊԵՍ ՁԵՎ ԸՆԴՈՒՆՎԵԼ Է՝

*Michael J. Garcia*

Քաղաքի դատախազ

ԿԱԼԻՖՈՐՆԻԱ ՆԱՀԱՆԳ )

ԼՈՍ ԱՆՋԵԼԵՍ ՎԱՐՉԱՇՐՋԱՆ ) SS.

ԳԼԵՆԴԵԼ ՔԱՂԱՔ )

Ես՝ Արդաշես Քասախյանս՝ որպես Գլենդելի քաղաքային խորհրդի քարտուղար, սույնով հաստատում եմ, որ վերը նշված թիվ 20-33 Որոշումն ընդունվել է Կալիֆորնիա նահանգի Գլենդել քաղաքի քաղաքային խորհրդի կողմից՝ հերթական նիստում, որը տեղի է ունեցել 2020 թվականի մարտի 24-ին, և որ նույն որոշումն ընդունվեց հետևյալ քվեարկության արդյունքներով՝

Այո՝ Աղաջանյան, Դիվայն, Կարապետյան, Քուինթերո, Նաջարյան  
Ոչ՝  
Բացակա՝  
Ձեռնպահ՝

*Aram Adjemian*

Քաղաքային խորհրդի քարտուղար